

四庫全書

集部

欽定四庫全書

集部

懷清堂集卷八

詳校官左中允<sub>臣</sub>瑋五珠

助教<sub>臣</sub>常循覆勘

總校官進士<sub>臣</sub>繆琪

校對官中書<sub>臣</sub>戴衡亨

謄錄監生<sub>臣</sub>張鴻仁

欽定四庫全書

懷清堂集卷七

吏部侍郎湯右曾撰

八月十五夜試院煎茶用東坡韻作二首

鏤廳萬竅蛭蚓生石鼎三沸蒼蠅鳴清風過雨差一快  
卷幔忽賜茶烟輕閣門之井非第二煮水蠻陬此何意  
要將冰雪滌煩煎清清冷冷落夜泉石花蒙頂來自蜀  
顧渚萬芽如肩土一車載茗不療飢猶勝觀瓶居井眉

木蘭始芽瑤草茁一吸已有清香隨君不見露寒桂滿  
今宵好細泛風簾浙浙時

門外立鵲慚諸生老夫投牀作雷鳴樓頭紙落如飛雪  
沈宋時名誰重輕休論揚一與益二險阻西來識天意  
溜澠別白勤烹煎由來相士如品泉相如子雲出西蜀  
昆吾寶刀于闐玉楚宮細腰常忍飢城中佳人矜廣眉  
各爭好尚異妝束輕裾利屐行追隨君不見牽蘿補屋  
誰氏子絕代風流羞入時

黔陽絕句

西南諸寨接牂牁風俗傳來火濟多紅猓獠連花猓獠  
白羅羅雜黑羅羅

依稀九驛認龍場烏撒平開蜀道長莫怪西溪水鳴咽  
至今婦女說奢香

白白紅紅繡袂花盤絲繪蠟儘堪誇自吹木葉銀環女  
者卜河邊問宋家

清涼山下躡雲行飛越峯初振鬣鳴高柳斜陽易蕭索

百年陵谷養龍坑

華撥陰繁呼薊醬芙蓉色豔斲丹砂一叢露洗印玉竹  
六月風開鼓子花

刺梨秋後正舒芒擘得黃柑齒頰香不是瘴昏青草候  
客拌也自進檳榔

四十三盤關索嶺五千餘仞相見坡阿蒙阿字休勞苦  
聽唱山前山後歌

得晴三日即神仙

諺曰烏撒天常披簾  
三日不雨是神仙

谷暗雲埋是漏

天却怪一句山雨絕中秋分外月輪圓

羊腸鳥毳路將窮如綫鉤連六詔通一匹練遮滇海馬  
萬牛脊斷振山銅

熒童蠻女競相將翠罽花鈴一兩行細雨黃絲驛前過  
叢祠香火竹三郎

閤梅公中丞出觀家樂

燒殘絳蠟月朧明百和香中吹玉笙一片綵雲飛不散  
曲欄干外豔歌聲

探喉一串玉盤珠  
華屋神仙絕代無  
慳亂中承筵上見  
梨園弟子李仙奴

審音荀令與周郎  
檀板銅槽共一牀  
山雨乍收簾月白  
聽風聽水按伊涼

玉雪兒郎髮未齊  
嫩叢蘭蕙出香溪  
南朝瓊樹無人見  
嬌小宮鶯恰恰啼

管咽絃停意淺深  
雲窻六扇漏初沈  
已迷秦客風花路  
休笑吳兒木石心

東山與梅谿長老

巉絕發曇寺樵人細逕分路黃秋後葉山黑雨餘雲馴  
鴿投空下疎鐘入定聞蚤耽清淨義花界宿氤氲

聞道我峩老心空日坐禪髻絲蠻嶺雪鄉味蜀山泉飛  
錫來千里哦詩剩幾篇黃花兼翠竹節物兩悠然

自百盈泉至黔靈山寺

憶昔冒雨東山行山寺粥鼓傳新晴雲中黛色幾千尺  
兩脚已靱芒屨輕寒花脩竹自閑麗赤髭白足相邀迎

孤亭崔率出林罅下睇萬瓦浮連甍黔靈一峯隔嶺背  
但見紫翠烟巒并歸來合眼想娟妙坐覺天宇開崢嶸  
今晨欵門少賓客襟帶蕭散惟齋清公廚三日會當去  
十里肯惜游山程疎風細雨引前路小蝶豔豔繁秋英  
道逢樵客看碁罷亦有田父衝烟耕鷄鳴竹裏淡日色  
犬吠塢外喧溪聲扁釣亭中一泓水晝夜百度無虧盈  
清甘未得借瓢飲空負桑苧煎茶情草中覓路轉蒙密  
巖頂踏逕頻迴縈琳宮突兀佛塔湧古木上與欄干平

祇園弟子越千指盡學寂滅談無生青山門外幾風雨  
一縷坐看香烟橫維摩方丈清晝掩天女一笑花為榮  
尋詩問法兩無礙空手欲控橫江鯨法華魚肉何足啖  
自煮蔬菽炊香秬萬錢詎抵一飽樂盤案已洗秋營營  
蠻花峒草足瀟灑斗大未可輕山城化年林端發蒼蘆  
道人記我曾留名

龍里別錢蒼浮兼寄王介夫楊青村汪道百

驛館燈初炧天邊雁失羣溪聲寒漱玉嶺樹細參雲別

酒一宵罷孤懷萬里分憐君好才調蠻府作叅軍

風流王武子邊徼十年遲州縣官曹屈聲名

人主知蕭條開歲月意氣好男兒漏鼓山城夕明燈想  
後期

楊侯出宰日遺老贈圖經官舍如庵小荒山入縣青離  
杯宛猶昨夜雨忽同聽愛爾溪風句清音共宵寢  
烟沈青草瘴月上鐵溪魚執手時未幾淒風歲欲除苔  
痕漬雨後楓葉得霜初好共嬌兒語琅琅聞讀書

重經高真觀

羽化亦云久靈扉長不扃石池雲晦靄檐挂雪蔥青月  
白起鸞吹天寒梳鶴翎丹經遺訣在吾欲寄顏齡

倒馬坡望張三丰仙影

岩岩青雲梯汎汎紫烟路似聞駕鴻人凌虛從此去真  
人塞其内外像非所務大哉宇宙間神游無不寓西馳  
追金鴉東走逐玉兔揮戈縱可迴運化等塵露不見崑  
崙頂精魄得長駐

鎮遠寄道百

投分固膠漆託契共芝蘭弱歲為兄弟憂樂每相關如  
何中分飛參差各羽翰風雨一乖睽驚嗟合并難

合并安可期倏忽成對面念子蠻中居五年不相見睢  
盱視殊俗顛顚領異縣每得懷袖書書來增繾綣

繾綣臨蕭晨歡笑旋酸辛行輶倚門左餞道出城闌離  
言豈為繁悲至不得陳但語各努力門戶寄一身

一身不自由念我與子同來如浮水萍去若衝風蓬憫

憫日月逝析析蘭蕙叢二頃種秫田懷哉歸老農  
老農詎易學艱難少生理敝屣累妻孥斗米戀祿仕坐  
君臨池閣倚君讀書几沈吟身世間憂來誰舉似

鐵谿

一水弄清暉沿流屢迴轉山光坐超忽明媚翠微淺穿  
沙湍瀨激絕壁屏障展綠溪逕逶迤置足石頻選漁樵  
分野席一笑謝軒冕長潭數游鯈懷古寄餘緬巖端花  
雨落翠色自舒卷苔滑仙人橋竒懷阻游衍松根隱修

蛇雲外聞吠犬陰崖寒鐵色千尺高偃蹇蠻荒人迹稀  
荊棘密不翦古來佳山水梳剔人所顯欲鑿巖壑幽小  
筆媿雕篆徘徊悵將歸寒露夕已泣

中河山佛閣懷道百

霜重水澄碧清江澹淡波故人天未遠佛閣晚來過雁  
齒萬檣列蛾眉羣岫多幽期成獨往惆悵對山阿

登舟

馬歇休筋力舟行任起居喜隨鷗去遠憶共雁來初鄉

思縈閑日郵籤報睡餘殷勤託雙鯉萬里夜郎書

自平溪至便水

五更江起霧暗裏蕩雙槳洶洶無停聲浩浩信長往推  
篷暫窺臨牒子浪花上川光互明滅山影迷俯仰纜船  
呼晨炊風日漸晃朗澄澄碧波映皎鏡平似掌迴湍成  
圓淵觸石怒濤響灘行屢紆直石骨轉森爽天寒竒姿  
露刻畫勞萬象千林散青紅絕境見無兩晨霞互彬駁  
雲錦亂泱泱綠流恍舊山水盡憶弭榜永懷滄洲趣暫

此清尊賞

楓木塘

如此江山卧不起兀兀蓬窗云睡美坐令拊掌笑兒童  
飛將聲中醕面水起看嶺雲斷復續更誇霜葉紅間紫  
佳時九月十月中孤棹千山萬山裏青螺髻綰石簪簇  
白玉盤堆水瀾瀾離襪羽落沙鳥喧擺耜田紅野老喜  
村中嫁女捉鵝鴨船上呼兒數魴鯉幾疊屏風碎錦斑  
一箇明鏡香雲委漁燈隱隱襯霞上塔火沈沈出水底

湖南風物足留連不獨騷人詠芳芷

橫江

紅樓白舫家家好翠壁丹崖面面稠佳處真思市門隱  
生來愛作賈胡留三江雨氣連沅口九疊山光望靖州  
枉史亭前懷古客西風荊棘野塘秋

漱溪值驟風雨

遭迴信所如漱溪日云暮淦淦四山雨冥冥一江霧驚  
風吹弱纜勢挾短篷去舟人走相呼童僕眩屢顧有客

方歌嘯矯首義陵路華蓋千仞山桃花萬年樹

辰陽舟中

善卷古先生閉戶養芝朮年年丹砂水清淺洞門出福地悶幽棲烟蘿望中失

南山孰云移感此風雨暮一峯如靜女嫵媚水北住相向淡無言飛雲日來去

清浪灘寄查浦

子昔談此如秋河梢瀆撇漩險莫過中宵不寐念今日

一葉果落千盤渦驚靈過耳電閃目乍劈急箭投飛梭  
雷洄清浪三十里虎牙石怒聲相磨灘師為言伏秋漲  
駕天白浪高嵬峩橫江大艣不敢下袖手但聽漁郎歌  
只今天寒潦水縮香火尚乞神撫呵下灘波平水濫濫  
秀色諸巔紛坡陀盛衰苦樂互更迭物理如此人誰何  
念君秋風不得意席帽尚沒黃塵窩種成不惜五石瓠  
網去已失千尋柯古來才大有時用四十未可悲蹉跎  
既不能手把鋤又不能肩負戈兜毫十尖掃皆禿文章

小技用則那人間主客盡偏仄與子安得辭風波繫纜  
水之湄晚飯山之阿江天風月等閒有添箇雨笠兼烟  
蓑唾壺擊缺人不憐老驥誰秣瓊山未勸君莫學王處  
仲須學神仙張志和

江上晚泊

飛霰悽以零重陰沍還止靡靡寒威積浩浩夕風起落  
帆逗前浦竹葦數家市畏虎思蚤眠炊烟尚墟里懷歸  
逝川遠日夜向東駛風燈夜凌亂水國天渺瀰悵望離

緒多悽斷誰復理

發益陽

行艫將安窮南溟阻瀾汗交流滙沅澧川路俄已半風  
波話辛勤寢興錯昏旦蕭條意不愜淒厲歲云晏伊余  
初祗役茗華正堪玩百卉今已腓奄忽衣裘換葦葢天  
水永鳬驚汀洲亂落日長沙人微風洞庭岸遙岑眇欲  
盡近慮澹已散鼓枻聊一吟悟賞非情歎

見月

地霽氣逾肅天高寒更爽  
顏陽既西傾皓魄復東上  
餘霞澄瀲灩張樂楚天廣  
孤光初出匣素景俄映幌  
號籟葉辭條流哀雁沈響  
念當窮陰節共此清商賞  
遙帷滅燈燭冥坐寄遐想  
眄睇西南星爛爛見三兩  
投浦遠烟暝淪照夕波往  
杳杳依行帆悠悠送歸槳  
驚魚時撥刺鄰船響夜榜

湘陰

清江如玦環落日瀫金碧  
帝子游不返瀟湘水沈夕  
薺

樹遠含青水花寒吐白行艦隱迴洲礧礧汴淺流旅泊  
淹遷次動息異沈浮天長沒歸雁江遠疾去舟去舟曾  
幾時雪消春草滋西南風信惡心急行轉避留將送歸  
櫟美滿高桅吹

望長沙作

湘流若浮空列岫出遙漱水遠不可極的的烟帆舉蘭  
茝悽已衰風波杳何許日暮弔湘君微雲斂平楚

泊長沙西門追念舊游有感

玉礫金沙儼畫圖水清了了見樵蒲湖南賓客今顛顛  
暮雨湘西聽鷓鴣

同劉青岑游嶽麓寺

孤櫂隨輕風江波澹容與歡言故人駕共此霜洲渡遵  
岸草徑微層陰嶺雲沍去雁飛且鳴驚麋走還顧威紆  
陟崖厂隱見蔽烟樹入院聞佛香悠然得微悟石門寒  
葉積竹筧暗泉度窗中洞庭野木末瀟湘路松關映殘  
雪時新物已故諾公詩家流雕琢有秀句相將共游衍

往復慙歡趣曖曖日隱村沈沈水生霧歸橈雜燈火山  
氣上烟露人生流電驚雙鬢賓易衰素期君簿書暇有約  
勤來赴

登雲麓峯望南嶽歌

我聞三神山遠在東海東神山恍惚路難到世上五嶽  
蟠胸中憶臨滄溟倚日觀九萬曾踏扶搖風昨辭蓬萊  
建羽節陽景一翳迷高嵩西南萬里入羅鬼似墮幽井  
窺圓穹東還雲夢吞八九張樂已在軒轅宮七十二峯

青聯屬蒼梧天外雲濛濛清湘水流環九面南嶽神鎮  
齊三公靈妖物怪藪藏納丹甍赤幕光瞳矐峯峯低昂  
宛相次獨有紫蓋爭祝融雷泓風穴互開闔玉書金簡  
留穹窿岫嶠山尖蚪蚪字人跡欲到路已窮使者虛亭  
花藥繞山人仙骨烟霞通似聞綠髮有毛女不少翠羽  
來青童離宮福地入縹緲目所眺矚攀躋同衡陽縣前  
昔騁望壓陣巖岨雲排空仙山咫尺俗緣誤況今百病  
中交託升高視遠腰脚軟左右扶掖如衰翁道人鐵瓦

緬遺構拜嶽之石高  
寵嵒九疑清猿怨遙夜洞庭落日  
浮孤篷漢女幽蘭冉冉翠  
楚妃淚竹斑斑紅振衣周覽  
窮上下忽與意思增清  
雄人間擾擾等蟻蠓慎勿變化  
隨沙蟲君不見迴雁峯來八  
百里揮手欲駕冥飛鴻

至舟中復得一絕句

渡頭碧縷郊門柳  
扇底紅鱗野寺魚  
一種閑情兩惆悵  
風簾殘燭照繡書

黃陵廟

初日黃陵廟微茫楚塞分  
烟中塵漠漠祠下水沄沄  
叢冷歲蕤竹湖荒散漫雲  
何人酌椒醕寂寞酹湘君

江夏寄朱晦人王孟穀

長安舊傳侶游好在斯  
文往者已陳迹髯兮尤逸羣  
荆門寒翳雪夢澤晚連雲  
悽斷郢中唱孤懷正憶君

贈別玉河柳烟條春景初  
頭陀寺前雪復此感離居  
漢上數歸棹湘中闕報書  
殷憂結之子消息比何如

赤壁謁蘇公祠

東逝隨流波孤舟日沿越晚經齊安郭振迅夕飈發水  
惡不可渡連山浮溟渤繫纜陟臺基登閨矚岑穢蒙茸  
翦已久軒敞樹華闕名賢迹偶經萬古斗柄揭楚澤叢  
香草餘芳殊未歇當時馮夸宮幽怪墜毛髮江沙漲圻  
岸漸遠波匿窟拾級連巖高天長鳥飛沒垣墉起迢遞  
林麓傍隆宰縞衣揖羽流綠髓鍊金骨憂來思洗醎浩  
蕩酌江月

遊寒溪西山

劉郎泝下波，隱天楊葉洲。邊初扣舷清江如畫，浪伏息  
武昌樊口山依然。峩峩幾尺開烟鬟，吳宮美人顏如蓮。  
千年臺殿沈野水，石上空有金牛眠。寒谿冰雪凍始堅，  
涸絕不復流涓涓。溪橋一綫度微逕，孤寺冷落生炊烟。  
九曲亭中荒草菅，西山佛閣危峯顛。仰穿蒙密入木杪，  
下俯曠放羅山前。老僧饑癯不能飽，階下喚鶴清吭圓。  
迴廊塔院舊香火，一指猶說南宗禪。松風閣下松叅天，  
斤斧斬伐根株連。神光夜發認何處，千牛乳潑菩薩泉。

東坡居士久得仙高安酒官詩幾篇秦張雅游等蟬蛻  
涪翁妙墨今誰傳宸樽石上醒醉顏風霜退谷如春妍  
漫郎文采磨不盡江水日夜鳴濺濺南湖一片浮漪漣  
渚日欲沒孤霞鮮菱芡菰蒲歲晚盡莽莽楚蘘如平田  
一邱一壑性所便雲腴澗實隨因緣風波流泊今偶爾  
江山主客長年年

武昌經吳故城

黃旗颭東南漢坻此深阻襟帶越江沔笕鑰重樊楚炎

靈運四百劍璽遺區寓龍戰爭分崩鹿獒失守府老瞞  
思竊國天子不都許獅兒起江東名字劇乳虎英雄蓋  
世畧叱咤輕項羽堂堂紫髯公早繼父兄武英賢備惟  
帝士馬交鼙鼓疾雷破山紅驂驛空北戶濡須出艫舳  
整暇孰敢侮天塹長悠悠國險民安堵犬牙崇雉堞鳳  
集建樓櫓裘冕祀東郊圭幣薦后土袁山廣獵場豹尾  
神大姥時平離殿起豔質歌且舞至今節度石連娟想  
眉慙釣臺灑酒面荒哉賴仲父霸圖跡已陳江聲晚餘

怒茫茫五嶼水逆浪打次浦

將至九江見廬山

陰風清且歇江影明灣深煙中潯陽郭雲外匡廬山汀  
葭離披盡沙鳥飛鳴還宿意冀申寫靈境何由攀

阻風九江舟中雪後寒甚羈愁旅況輒見於篇

急沫輒碕岸吹漂斷通津帆席分歸風邈矣廬宮神冰  
雪意蕭緘羈旅事艱辛寄言褚諮議空此平生親

夙昔山澤游柴桑緬高節清風古猶今化遷名不滅睠

言舊墟里翳翳原上雪從公千載餘約心自流悅

湓城帶紫紆湓水淼茫至長懷沈冥子北亭老遺世沙

雨潯陽門霜鐘二林寺清醕能見訪一酌徑須醉

樂天江州

詩有尋李十一云可憐衝雨客來訪

阻風人小榼沽清醕行厨煮白鱗

逐客未賜環酒官亦淪謫當時攜妻孥曾此江上宅驚  
濤慈湖峽遠夢齊安驛悵矣感滯留庶慰風波夕

上鍾山

天寒水涸沙一痕石鐘之山下見根夏秋百川滙彭蠡

遙觸赤岸浮青湓是時石鐘始有聲噌吰鏗豁風吐吞  
南音函胡北清越非絲非竹搖精魂粲粲一噫吹萬有  
真宰無朕妙語言眉州老仙去已久後者無繼知誰論  
長松千尺窺月卧嫩篠萬箇交風喧山僧雅具看山眼  
布金此地開祇園巖藏詰曲戶向背下或如墮高如軒  
去來今在一彈指老鶴已棲巢空存茶香一啜夢清遠  
江駛萬里流胚渾既佳光景忽言去願結淨社依香門  
放舟至下鐘山

空濛一片雲滿湖西南風起吹檣烏淵淵且止發船鼓  
秀絕下鐘山色無寒囊直上捷猿狖樂哉一幅寒林圖  
絕頂飄飄目四豁左右江湖渺空濶烟波盡處洲渚微  
髣髴扶桑見窮髮天旋地轉不少留迴看星氣忽已周  
扁舟歲晚夢吳越佳廬五老空船頭銜鱸如山萬商集  
使者纓旌騎吹入行人擾擾競錐刀落日悠悠下城邑  
前臨巨石紛盤陀仰看絕壁青嵯峨玲瓏窈窕萬竅出  
安得滌汨生流波風聲水聲奈爾何只今埋沒塵沙多

無弦之琴張素壁歲久抑鬱恐不和一歌如扣鐔再歌  
哀知音洞庭木脫水深深天高月白風入林或鼓或考  
聲欽欽嶺猿江雁同夜吟潛蛟出聽老龍泣漁父滄浪  
知此心

彭澤

宿雲初卷雨斑斑迎權神鴉杳靄間烟裏柳遮彭澤縣  
夜來潮落小孤山青螺峯色寒應斂錦瑟年華客未還  
欲折梅花寄歸信尚憐蹤跡滯江關

馬當山

喉吻從來說呂梁古今夸險已茫茫君看白日青天在  
弄水乘潮過馬當

除夕泊蕪湖

一年臘盡可憐宵  
樺燭椒盤總寂寥  
荏苒歲時淹旅宿  
青紅兒女又明朝  
玉堂故事書春帖  
茆屋豐年望斗杓  
閒與村翁話疇昔  
漸看燈火上江橋

元日登梁山絕頂

看山萬里行未足蠟屐復此凌天門五丁鑿開巖谷走  
兩戒截出江流奔垂天之鵬羽翮奮橫海有鯨鬚鼠翻  
東西屹立如有意吳頭楚尾為藩垣辛盤上日帆落蚤  
白沙一道清江村歌斜得路躡飛輶下看落日如朝暾  
疎林木葉寒不脫已變凜冽回春溫琳房金碧挿天漢  
舉手似可星辰捫謝公青山紛在眼漸與夕照嵐陰昏  
扁舟徑欲下牛渚怪魅不數魚與鼃十年以來逢此日  
仗下廣樂陳臨軒享王鞬鞬殿迂舞纓綈簪履華星繁

歸對妻孥日已旰人事請謁猶煩喧山中清淨今何有  
道人與我皆忘言水底潛鱗適浩蕩雲邊逸翮辭籠樊  
一年回首風電過又與桃李書朱檣惜哉花開我已去  
酌酒且滿屠蘇尊

采石磯

入春二日風和柔來尋采石追前游騎鯨人去三千秋  
縹緲尚結空中樓登臨曠然銷百憂江波澄澄靜微流  
高艫如積連汀洲天雞晨鵠戲圓漚下訪古碣斷不收

四壁光彩丹青留蕭郎落筆秀且道名山鬼窟洪濤浮  
恍陟玉室凌丹邱嘯傲五岳輕公侯清風亭下思小休  
長松落落落羅道周如古君子蒼髯脩道人三四彭聃儔  
下臨洞穴巖窗幽神鑱鬼斧工雕鏤俯仰今古同悠悠  
云胡不樂吾已媮一聲歎乃隨棹謳飄然不繫乘虛舟

### 雪後望鍾山

建春門外鬱岩峩紫氣曾傳接絳霄飄灑鍾山夜來雪  
盤盤雲際玉龍腰

晚出長干里

青谿還傍莫愁湖一片斜陽夕草鋪  
玉樹歌殘驚鐵馬寶衣燒盡失金鳬  
樓空烽火山猶繞冰斷秦淮水半枯  
惆悵長干小兒女夜深啼殺繚牆烏

夜半發青山曉抵京口

蕩潏生洪濤揚舠遠天際鯨魚掉其尾  
一縱千里逝微茫曉鐘聲遙落金山寺

琉璃河題壁

綠樹陰濃露未晞  
槐根青翠濕人衣  
平橋野店日初上  
隔水乳鴉零亂飛

懷清堂集卷七

欽定四庫全書

懷清堂集卷八

吏部侍郎湯右曾撰

丁丑三月二十一日晚過韜光禪院

澗橋徙倚老松根  
肅肅巖扉自不喧  
坐覺清風生石壁  
行窮脩竹見山門  
依依烟郭江光繞  
點點林鴉海氣昏  
却怪白沙春漲濶  
游人指點說潮痕

晚至湖上

出郭塵事絕晚來幽興滋  
綠尊明月下紅雨桃花時  
烟水忽已暝擢歌安所之  
南屏夜鐘發昨與山僧期

過吳門某氏別業

鳴禽變春聲首夏開開園置酒度  
高閣掃石臨前軒疎花薦日長  
衆卉交風暄孤桐翠新引密竹陰  
已繁嘉賓盛壺觴兀兀雜笑言  
適意各異趣寧知寂與喧

題宋牧仲中丞西陂魚麥圖

漫叟江湖句翛然獨會心  
將家時未可許國意方深池

館澄波曲襟顏嘉樹陰西陂烟景好展卷得幽尋

渺渺蒹蒲岸蕭蕭水竹居圖中人自遠濠上興何如散  
帙從漂麥臨池學種魚謝公邱壑性雅與世情疎

雪苑今詞伯平生分最親橫流思大老古意見綿津水  
影漾已綠烟條發更新蕭閑有何事魚鳥照風神

題宋山言授詩圖

人間詩句鬪豪雄誰解蕭閑語更工文采爭如宋公子

五言冰雪是家風

山谷詩翰林尚書宋公  
子文采風流今尚爾

自有門庭一瓣香  
金鍼度與繡鴛鴦  
承家徐庾多新體  
文字錙銖細覆量

佛香入院一篇詩  
河曲分吟記往時  
今日披圖見顏色  
江湖落月十年遲

清水灣遇喬無功

落日生層陰  
屯雲抱湖尾  
風波客程阻  
淮海夕流駛  
隄迴隱行帆  
邂逅見之子  
絮語明燈初  
離悰宵夢裏  
堆盤飢蔬果  
散帙爛文史  
清吟憫瘡痍  
淩去年水深思理

人術感歎夜中起

五月十七夜游縱櫂園

停雲淡欲無清川相與閑  
臨泛自成趣何必江湖間  
落日漾彩翠微風散襟  
顏紛衍草木叢坐久宛  
深山暮禽共烟暝孤月  
隨棹還沿洄遂忘歸水  
際門不關洞簫起層闌  
清響結幽潺波心騎赤  
鯉亭上放白鷗何當乞  
刀圭仙藥解我頑

縱櫂園四首

幽居適野性況此青林間  
小閣夜來雨夕陽池上山  
風蒲翠影亂水鳥滄洲閑  
釣艇射陂曲烟波時往還

主人蘭臺客昔侍未央宮  
抗議赤墀側拂衣滄海東  
風波去不息流泊始無窮  
寂寂著書地悽悽寒露叢

安步穿橋緩銜杯入座遲  
水清盤石上風起夕涼時  
柳下收魚笥蘆根立鶴兒  
鄰人暮吹笛長憶竹林期

流水撫遺軫鍾期失賞音  
逶迤泉壑地零落死生心  
冒水池花夕連城海氣陰  
孤懷待明月有歎必盈襟

贈喬雲漸

昔游淮海濱嘉會君子同別袂一以判十年阻西東讀  
書秋堂清漉酒春醅紅志士秉高節寧知道方窮出處  
理匪齊離心抱忡忡連年相思札緘彼南飛鴻頗憂目  
近青輕雲翳虛空端居結遙念何由豁羣蒙

君有東臯田近在射湖曲漫漫秋塍黃猗猗夏畦綠公  
家井稅畢伏臘資亦足河伯昨告灾千里等沈陸肅肅  
哀鴻征啾啾飢烏宿高人甘藜莧儉歲供餽粥時吟瓊

琚篇眩晃古光蓄松門微月上茶乳汎新馥澹爾靜者  
心寧為萬物逐

喬柯有卑蔭清源無濁流束髮追羣彥與子心綢繆懷  
玉被布褐遐哉今白頭叩門知緩急稻粱非身謀昔者  
鄭公業衣食常不周又聞徐常侍傾家賣車牛懷君高  
世行太息前賢儔

紆轡指京邑投鞅暫淮壖四序紛迴薄感歎非朱顏堂  
上尊酒陳欸曲平生歡深愧雞黍約凶年艱盤殮欲分

俸錢薄踟躕未敢言兒郎皎瓊樹世業書一編小築松  
石下深心豪素間勤當注玉液餘念且勿闕

題喬無功梅花書屋圖

冷蕊幽香自到門一鉤寒月近黃昏賦心合在橫斜處  
知是淮南第幾村

淮陰舟中別喬介夫

泝流乘風濤落帆淮鎮泊蕭蕭原上雨分灑入林薄茅  
簷燈火微隄纜管蒯弱長河風浩浩竟夕夢猶噩明晨

攬衣裳屯雲翳遙郭愁心依故處有酒不能酌況我同  
懷人須臾成離索秋堂讀書夜風雨事如昨十年各飛  
沈所至異苦樂方將共游處心跡本寂寞買田未敢期  
農事慕東作

題介夫小照

屋後藏書萬卷新門前野水碧粼粼盧郎如此丰神好  
不是牛欄雞柵人

送昱山和尚歸徐州

餅鉢自茲去支公真勝流帆低泊淮鎮花落到徐州余  
亦慕栖隱年來感薄游羽衣明月下他日記黃樓

桃源曉發寄方若及無功介夫兄弟

雞鳴首北路不見淮南樹相望已相思別來曾幾時黃  
河流天外行子飛征蓋飛蓋路已遠黃河去不返願逐  
河上舟渡河入淮流河淮水同注到君門前住倘君烹  
河魚煩視腹中書

兩宿紅花鋪

夕陽明復翳蒼烟  
黯不收暮山沈楚色涼雨入齊州  
細草裛餘潤荒陂赴亂流  
夜燈檐浙瀝孤館颯先秋

農家

農家此墟落無事掩門扉  
草際餉田去烟中驅犢歸  
槿籬聞犬吠茅屋有鷄飛  
薄稅輸官早應知吏到稀

郊城道中

殘枝宿雨滴初日蚤霞明  
原上橫霧氣林中喧鳥聲  
行人渡野水驛騎轉荒城  
寂寞勞歌者因之感旅情

道上

出門隨動息際曉漸蔥蘢葭笑媚幽色水雲澄遠空綠  
槐山店雨紅蓼野塘風滿眼自留翫休嗟途路中

渡沂水

一葦問舟子淪漪復此間澄襟照流水暄景弄暖潺沙  
遠川光減人稀渡口閑悠然津濟樂誰信浪如山

沂州懷古

南山之南北山北無田何由可得食正復何用得食為

古人高節三歎息少年雅慕東岡陂朝事詩書暮釣弋  
如今老大轉自笑養雞牧豕無心力瑯琊城頭啼饑鳥  
羸驂劫劫朝復晡不須更覓謝仁祖得米但就陶胡奴  
再渡沂水憩林中作

屢問漁人渡若為林叟期微波沙瀨激茂樹午陰移花  
影宿蝴蝶川光隱鷺鷥遙遙白雲嶺心憶入山遲

槿花

鮮鮮木槿花青枝間紅萼不待怨秋風朝開暮還落

將至豐城集

廢隴深泥沒平蕪斷岸侵悠悠古時路草草異鄉心汲  
井茅茨下解鞍榆柳陰卧聞牛下鐸是物有知音

沙亭峪始入山

嶽勢已垂盡客來心乍欣渠鳴沙上雨雷起峪中雲從  
此巖巒接遙知烟靄分東臨滄海上一道翠氤氲

望雨

時在蒙陰道上

橫風自西來飛雨行東峯峯峯雨氣接合沓陰雲重下

有隱君子含景佩蒼龍歌嘯方自得閉門聽夜春

雨中曉發

遙山殷雷聲衾枕忽已曙出門轉騖駢慘慙徒御蔽  
翳陽景虧淹宿陰雲互激激澗聲厲齒齒山骨露人衝  
烟光出鳥驚暝色赴霽日林半明迴風雨還度蒙山杳  
何許茫昧郊門樹析麻向中原剝棗懷往路清風吹襟  
袂一過澹百慮夷塗良獨難安得辭跼步

雨霽

既霽氣色佳日照前山明宿雲尚迴合稍稍南風生南  
風一披拂條使陰曠清隔林送蟬響音夾岸亂蛙聲昨來  
山雨過水溢遂繞城茲焉已歸壑猶怯褰裳行叢生蓬  
與蒿欣欣自茲榮下田藝嘉禾禾偃流縱橫愛憎一以  
別遂傷造物平吾生亦一物營已詎非情

雨中游歷下亭分賦

紛埃各有營佳游偶然遂漾舟清川上颯沓風雨至路  
窮屢屈曲撓迴引幽翠泠泠葭葦叢濛濛水雲地茲亭

廢已久風雅心所識經營方在今照壁碑版字潭烟沈  
暝色浦樹激寒吹采采湖中花芳洲欲誰遺伊余同懷  
客壺觴邈高致碧筩還小飲香盡人已醉酒酣步前楹  
跳波看魚戲湖聲萬荷葉的皪亂珠墜鵲華隱不見鍾  
動山南寺緬彼千載人窈然滄洲意

九日琉璃廠登高同劉若干作

冬官搏埴歲有程千夫許許雷發聲蓬萊宮中陶萬瓦  
歲久土積山崢嶸登山一笑此何有却與今年作重九

天邊斜日映孤雲望裏西風帶衰柳憶昔慈仁飛閣中  
四虛突兀撐青空昨歲蠻江驟風雨雲幙周遮豔歌舞  
豈知萬里從天涯

帝城復采黃金花悠悠感事默惆悵茫茫望古空咨嗟  
君不見宋公戲馬臺英雄格鬪餘蒿萊又不見杜老雲  
安宴詞客哀時淚如霰我曹幸際太平日瀚海烽銷新  
罷戰佳節猶堪繼觴咏書郎莫漫憂貧賤河冰昨夜凍  
桑乾積雪隱見浮雲端蒼茫臨眺日欲落激激衣上風

吹寒日飲無何愛犀首且歸與子同杯酒

送查浦之蘭州

君去過洮水關門落木空黃河繞天外白草滿榆中悲  
壯寒城角蕭梢大漠風書生有燕頤辛苦笑雕蟲

萬里通西極

王師獻凱旋三河遺孽少列郡戍兵開幕府風雲上才  
人文酒間霜中明獵火小隊出蕭關

送別青門側相思隴水頭因風候音音雨雪向邊州首

宿連天遠琵琶出塞愁金城方畧在暫爾借前籌

二月十三日趙蒙泉孫松坪查阜亭王令詒查聲

山王赤抒吳西齋史蕉飲小集寓齋

憂端來無時忽爾曠沈寂平生慕棲隱早歲鄰緇錫朝  
梵香入林夜鐘寒卧壁蹉跎世緣誤老大飽更歷懷人  
路杳杳撫舊事的的淒斷五條絃中心有離析

披帷來朋知勸我泛清觴云此忘憂物聊以寬中腸一  
酌慮暫遣沈思緒彌長滿堂各歡娛向隅默自傷幽幽

日沈夕寂寂花辭房蕭條感離室半燄餘燈光

故人海曲歸

令詒新自粵還

握手共花底寒暄五流易一官偶

然耳諷諭高州謠澄明盤谷水牛刀雖一割弦歌颯然  
喜乃知才且賢匪直風物美嗟嗟同袍者寂寞校三豕

與令詒話舊

五嶺清猿外相思雲海間故人還執手尊酒為開顏吏  
議三年誤離憂半鬢斑逢春易惆悵花落憶還山

為令詒題寫真二圖

梅花村晏坐

前年君過大庾嶺清夢每到羅浮巔  
梅花開時雪萬樹蠻鄉地僻心悠然  
歸尋圖畫記疇昔萬里迴看如咫尺  
想見參橫月白時酌酒對花誰主客

竹溪聽雨

焚香永日坐蕭灑散煩襟可是清冷子  
翛然江海心幽藂喧過雨淺水戲游禽  
他日山陰興應緣修竹林

晚登皋亭寓樓

風日登臨好乘閒還重尋春泉靜逾碧嵐翠晚來深三  
月烟花節中年哀樂心檐陰黯將夕窗外有羈禽

題梅桐崖抱琴圖

先生冰雪心夙諧山水趣泠泠十指下古意窅然遇門  
前敬亭山色閑穀溪屋後鳴潺潺神仙中人圖畫裏瀑  
布松風試一彈

出右安門游諸園亭至座主宛平公豐臺別墅看  
花盡日作八絕句

傷花淚草我何堪三月幽居閉一龕  
忽憶尋春春已去又隨飛絮出城南

幽禽出谷似關情野水分畦漫漫平  
一道丰茸芳草路綠楊影裏桔槔聲

淮王載酒少經過門館蕭條挂薜蘿  
閒覺清風入廊檻綠鱗鱗起水微波

橋迴漠漠野田青荷葉菱花接遠汀  
多少懷人傷逝意一時併上水邊亭

曉色曉曉錦障開  
殿春花事數豐臺  
天公雨露園公力  
等是批紅判白來

休嗟狼籍市門前  
繞郭栽多萬畝畛  
連當日洛陽全盛日  
一枝姚魏直千錢

太傅林亭初到時  
銀箏絃撥玉簫吹  
花光二十年如昨  
老大心情付鬢絲

遺山詩老驚仙語  
下筆王郎含古春  
廉趙風流總消歇  
釣魚臺下養花人

大雨中出廣渠門

滑滑深泥沒膝初長安街市欲生魚艱難去馬來牛跡  
蕭瑟盲風凍雨餘但覺人間盡虞坂不知何處是高車  
隔林燈火冥濛起恐有幽人閑讀書

新寺

萬歷時中宮建歲久  
圯廢寺僧募貲重修

一徑陰濃薜荔牆偶隨放梵贊公房松梢細滴長廊雨  
佛院微明小炷香空自布金思長者至今紈扇剩昭陽  
舊宮扇  
尚存百年興廢須臾事意樹心花入道場

過汪東川祭酒所園新居

高卧園林日掩扉先生真與俗情違  
舊因看竹人曾到新見巢梁燕又飛  
香爇始知清晝永庭閑細數落花稀  
何來剝啄門前客十丈紅埃未拂衣

次韻西齋毒熱見寄

清冷何路駕飛車奈此焦沙鑠石餘  
暑熾無緣重命酒日長聊喜得緇書  
握環人似蕭閑甚慰局門知造請疎  
數畝江鄉菱芡地爾時真羨結茅居

短廡深知美蔭難叢生況望繞珠玕一甌香茗因留客  
兩部鳴蛙不屬官頗愛稱身冰簟滑每思應指玉琴寒  
何郎苦熱休題句大火西流取次看

何遜苦熱篇云願以三伏晨催促九

秋換

效樂天體和赤抒下簾見寄

憶君六扇湘簾下吟出新詩冰齒寒當檻花宜垂處見  
近秋月待卷來看小加障蔽流塵少似覺虛明拓地寬  
瓜飲時時蕪茗飲人間閒殺是枝官

和赤抒鷺雛

好事誰分雪色雛羽毛未滿態先殊  
一闌花下看魚戲八月秋深共鶴孤  
怡與野航添物色引教幽夢落江湖  
更憑妙絕丹青手寫入蓮塘蓼岸圖

唐邊鸞有鷺下蓮塘圖周混有蓼岸

鷺鷥圖

送令詒之銅仁任

之官鳥道外叢木子規啼人物餘三戶  
雲山入五溪秋風沅水上明月夜郎西  
旅雁稀消息全家好共攜

昔恨播州遠，今來遠更加。  
銅人空沒水，金穴枉披沙。  
才子烏羅長，山城白葛花。  
祇餘官舍好，雲木似仙家。  
苗徭俗未革，教化爾能為。  
酌酒聽蠻語，焚香讀楚辭。  
方書防瘴癘，祿米給親知。  
詎免為貧仕，歸田且後期。  
輶車昔于役，回首楚天長。  
山靜鳴銅鼓，林深拜竹王。  
故人從此去，遠道若相將。  
別後能遙憶，音書未可忘。

送趙明府之合浦

嶺海清泉酌，更寒牛刀小。  
試取琴彈采珠不用千餘日。

金匱要略卷八  
一宿爭還為長官

晚同聲山原衡飲皋亭寓樓

花鳥春來已舊游  
窗中落葉條驚秋  
故人在重攜手  
原衡新自  
携李至明月生時更上樓  
青嶂晚從烟際出  
玉河寒

傍檻前流與君長  
簾西風夜不待啼鳥也白頭

再用前韻和原衡

三年與子阻同遊

帝里風光及杪秋  
歸計尚虛黃菊宅  
愁懷多傍夕陽樓

悲歡事與浮雲去富貴心如逝水流他日相思肯相訪  
應從柳市更南頭

送蒙泉之定陶任

十載金閨籍蹉跎甫一官未應悲老大已自飽艱難跼  
步驂騑厄驚濤溟渤寬浮雲俄頃事一笑為加餐

陶唐有遺俗樸野幾人家天遠三朧國春饒一縣花訟  
堂餘鳥雀農譜課桑麻雉乳漸漸麥知應勞使車  
散綬彤墀側疎槐陰直廬疇咨民瘼切召見

主恩初問俗懷甄遠談經壞壁餘君看一升飯何似五車書

往者文章契諸賢骨肉親

謂乙亥冬丙子春大酒舊游

風流隨逝水

張飲復蕭晨鴻雁清秋節林泉我輩人他年難泰約肯就越江濱

夜雨

昨夜窗中月今夕林外雨庭軒落木聲兒女殘燈語忽聞秋管引彌覺離思苦清川日東流懷人渺何許

送內人喪至潞河

營齋十萬不闕渠  
況復長貧願總虛  
零落郊門送歸日  
兩行白旄一輜車

也解浮塵萬事休  
誰能華屋不山邱  
愛河畢竟何時涸  
老淚無端只暗流

一尋往事一傷神  
風雨漂搖共苦辛  
料得夜臺回首處  
尚憐廡下伯鸞貧

三年睡起失驪珠  
慟哭愁雲下直沽

乙亥秋孺人以兒  
官喪歸亦由潞河

南  
下今日重來鳴咽水夜風蕭瑟颭檣烏

小兒學語似初鶯掌上憐如玉刻成

小兒此孺人尤愛憐之

遣向

燈前誦論語令君聽取讀書聲

淒涼橫笛不須吹宛轉哀思未是悲一夜孤舟嬌女哭  
峽猿啼到斷腸時

一語重泉聞不聞平沙獨鶴叫秋羣紙錢飛盡殘缸滅  
有夢如何不夢君

君歸埋骨舊青山逝矣余行老衲還經卷藥鑪相伴住

結茅已就屋三間

八月十五夜

澄明望秋月惆悵入遙帷  
白露霑衣袂青苔沒履綦  
鷺鷥驚飄砌葉風動隔牆枝  
獨有傷心者偏經搖落時

九日同西溟赤抒西齋蕉飲登慈仁寺毘盧閣以  
亭皋木葉下五字為韻

閒居當重九淒若病葉零稍思謝塵勞偶來叩禪扃  
升  
高展遠眺傑閣起亭亭  
游氛歛已無豁達天宇青  
飄風

颯然至響憂殿角鈴顧此浮念遣恍惚逢仙靈


蔥蘢春陽敷景物麗青皋奄忽被霜露側耳寒蛩號四  
運行復周狂馳無乃勞不如一杯酒為歡尋我曹泥塗  
未云卑嵩華何必高方寸起滅間萬里爭秋毫

危欄俯萬井蒼然見喬木藹藹

帝王州朱甍接華屋高門豔羅綺清吹激絃竹美人方  
宴終蘭房扇餘馥寧知雲端士蕩蕩散游目仰觀青冥  
遠俯視白日速

涼颼征雁起落日輕霞接悠悠天末雲  
蔽蔽林中葉授衣及凜秋縫素有閨妾  
忽念泉下人衰淚俄映曉霜天  
枯百草夜火山南獵安得迴壯心走馬  
逐游俠

榮瘁各有時黃花又堪把舉俗愛佳節  
美酒斟滿尊層軒凭窮秋西流弱水瀉  
飛塵橫綺道車馬在其下人生  
無賢愚意得即瀟灑時哉引頽齡晚節  
冀休假



懷清堂集卷八

欽定四庫全書

集部

懷清堂集卷九

十

詳校官左中允<sub>臣</sub>璿五珠

助教<sub>臣</sub>常循覆勘

總校官進士<sub>臣</sub>繆琪

校對官中書<sub>臣</sub>戴衢亨

謄錄監生<sub>臣</sub>張鴻仁

欽定四庫全書

懷清堂集卷九

吏部侍郎湯右曾撰

次韻答焦飲

百年不待羊腴熟浮世風輪空輾轉與君得閒即相覓  
何用陳遵留尺牘憶昨春官共上時杏花寒食炊餠粥  
蘭臺職司亦何有十載堆盤飽蔬藪精神虛費空自笑  
螻蛄蛟螭雜篇幅酒人未散燕市中荆卿悲歌漸離筑

夜闌燭跋軟語接往往屏風觸倦僕前年君過南海南  
五嶺清猿繞雲木蠻江風雨我歸櫟自著短衣歌獨速  
爾時相望不相親空有離懷常在腹

帝城聯袂杪秋節采采黃花不盈籜方期尊酒同歡娛  
豈意驚飈變歌哭勞生自歎扣莊缶愛弟何心賦賈鵬  
相看顛顛銷壯心誰念虎頭飛食肉浮雲變滅根塵淨  
香火名山願已宿連天風雪常閉門不礙打頭低置屋  
佟鍾山副使將之鳳陽出所畫見貽賦此道別

凌凌懸秋光秋聲撼我屋忽驚尺素到秋色俄滿目霜  
中萬木脫一叢抱寒竹離離危石旁幽花媚黃菊使君  
貽贈我厚意勤所最要令歲寒姿臭味同草木豈惟妙  
墨少兼有新詩辱綢繆契分深文雅襟情獨西風迫重  
九清曠邈川陸離杯出城南數別日已促鍾離建吳會  
壽春枕淮瀆中丞持節時十載風轉燭羊公碑石在士  
女雜歌哭今來得使君遺愛繼前躅人才備文武

出郡志

民力恤杼軸自茲為改閒轉令幽興熟清香餘燕寢白

日稀吏牘過江六朝山方寸紙可縮冶城超世想染翰  
風謏謏應憐埃塼底遠夢繞林麓清游未可同勤當寄  
尺幅

先太孺人忌日

四十年來淚眼枯斜陽望望斷殘蕪筵前每羨探懷橘  
林下常悲反哺烏馬鬣封卑憐宦薄虎兒才少覺身孤  
傷心遺墨巾箱久零落芸香半有無

先太孺人手書詩  
集久存笥中微傷

蠹蝕近

復籤整

對芋年時自慘悽遇鮭當食更酸嘶半叢苦竹寒泉漱  
一樹冬生故壠低鞠脰追隨傷愛子珍新料簡失賢妻  
每當露冷霜清日猶似兒時失母啼

次韻亦抒題西齋新居兼柬戴占弼

買宅應須更買隣南園北曲一時新支分茶竈清閒地  
位置書牀淡蕩人客到每吟嘉樹好醉歸何用長官嗔  
就中斗室香濃處合有桃花玉洞春

亦抒枉約城南之遊會雨不果悵然有作

曉霧冥濛雨漸晴幾回惆悵繞廊行已辜韋曲看花約  
空憶章臺走馬聲風磴隔年醒宿酒水亭他日聽殘鶯  
思君簾閣閒憑處不少傷春懷舊情

題朱文盎月波吹笛圖

不知何處最高寒萬頃光中白玉盤倚出秋風一聲笛  
青天碧海總漫漫

可惜征衫依舊青仍攜鐵篴過江亭潯陽西上方空濶  
定有蛟龍夜出聽

早春過碧山堂

蓓蕾花枝凍未抽，暖風行壓百花頭。  
魚龍戲裏看燈影，鵝鵝軍中鬪酒籌。  
入座迴舍今古意，懷人別有管絃愁。  
不須惆悵東閣雪，始歎年來似水流。

宴坐

宴坐焚香亦自佳，山靈物色到幽齋。  
一峯秀割剛當戶，老樹根穿欲迸堦。  
農圃心情閒甲子，壺觴風月舊朋儕。  
綠莎行逕籬門裏，好語吳中寄筍鞋。

聖駕幸闕里恭紀

古有崇儒禮今方論道年文明光上下聲教被垓垓理  
契軒圖始功參似範先無為

皇建極有縱

聖希天絕學思洙泗遺風尚管弦累朝勤俎豆六代備  
宮懸至德涵無始元符叶自然靈襟三殿裏寶思五雲  
邊遙接翔鸞步親分繡鳳韉風雷環宿衛鄒魯睇山川  
八徑珪簪肅登堂金石宣眸儀迴葆吹展事益瓊露酒

挹金盤露香分玉闕烟羹牆

宸思切雨露

主恩偏特下期門蓋頻頒太府錢殊榮分後裔曠典及  
先賢鳬嶧新封雪滄浪未改泉市添槐更密手植檜還圓  
睿藻星辰麗

天題琬琰鑄百王歸準則萬象入陶甄相圍觀風俗雲  
臺錫土田共欣時履泰方際位乘乾盛事輝今古高詞  
載簡編賡歌逢景運短筆更裁篇

恭覽

御書篤志經學四字賜韓侍郎為作歌

金壺瑤札貞觀年神豪飛灑如雲煙清風美德近臣賜  
寶貴何啻青瑤鐫雍熙淳化變朝體搗染所及神明全  
攀車受貺繼前典儒臣蘇李恩猶偏明良際會魚水合  
翰墨照耀星辰懸方今

聖人軼三五文思至德苞坤乾九州焜煌八表格倬彼  
雲漢賡詩篇墨花泮渙邈天上人間風月何由傳春官

宗伯起吳會退之永叔知誰先九經縱橫森武庫百家  
傾瀉流奔泉倚與國楨鬱梁棟寂與文士窮丹鉛遺文  
如見伏生語與義欲廢康成箋公卿大夫重經術文儒  
致用非徒然殊恩自得稽古力異數不問官曹遷忽碩  
四字燦奎斗嘉乃六籍勤排穿

天章雲錦爛五色乍蔭高棟扶脩椽通都歎息傳盛事  
求觀車馬爭喧闐鑪錘萬象義頡上并包八體鍾玉前  
噓噓雲霧氣騰地蕩蕩日月光流天豈惟筆精更墨妙

遙識

主聖兼臣賢廟堂從容論道暇坐倚瑤瑟鳴朱弦文章  
黼黻光冊府臯謨益贊簪裾隣慶雲葩郁甘露結時有  
瑞氣縈珠躔燾冒子孫綿世世永與玉軸琅函編

送姜友棠游東克即還四明

秋氣入東郡感君羈旅心杜陵昔游地高李共登臨落  
日空裘馬寒蕪自古今渡江冰雪後好寄越中吟

題黃尊古上都秋色圖

落日牛羊下遠村平沙萬馬別開屯君看沒鵲盤鵬處  
莽莽青山是塞垣

八月窮邊雪片麤角弓鳴處草全枯上都一片清秋色  
却是寒林大小圖

送九如表叔之太和任

花外潘輿望若仙飛來天柱縣門前知君不愛西昌尉

愛去閒叅玉版禪

吉安產  
玉版笋

聞道章江接貢江十年幽夢付蓬窗洄沿山谷祠前水

好寄鯉魚時一隻

蕉

乍喜靈苗一葉生  
烟中新翠出檐楹  
小來已愛橫窗色  
老去應憐聽雨聲  
入夜最宜清露洗  
幾時真見綠陰成  
寄言點筆題詩客  
半展斜開信此情

病起遣懷四首

俗慮從知了不關  
絺衣芒屨稱疎頑  
居如潘岳城三面  
人笑王微屋一間  
牆角秋陰黃葉早  
門前野水白鷗閒

也知亦有欣然處挂頰西南點點山

何妨樊席且教溫味道耽書業力存偶以剪蔬叨地主  
不曾食肉慕屠門草荒場圃蟲鳴急秋入菰蒲雨打喧  
從道王城歌吹海一身却傍老農村

疾甚清羸暑更加重簾曲曲為周遮病昏目力拋書籍  
客妙清言冰齒牙兩卷檀弓尋物始一篇秋水送年華  
日長高著青油慢好護塔除手種花

離騷美酒好風神常憶盧郎最可人萬事那容多皂白

一生所得是因循亭皋景物秋無主子墨生涯甌有塵  
暑意漸消涼入早黑龍潭下雨來頻

題耕烟老人畫

東風一萌芽楚澤幾芳草離離雜石映茸茸出波好洞  
庭連天見鷺羣子規冥冥啼不聞霏微臺下神女雨縹  
緲水上江妃雲一幅生綃剪不得春來沅水桃花色碧  
杜紅蘅亦有情玉簫金管空相憶滿載潭州百斛酒春  
帆直下麋湖口赤沙青草欲合時雲夢軒然吞八九此

時客意殊茫茫驂龍帝子游瀟湘浮空近見戲鮪影接  
日遠沒飛鴻行我念前游恍如失重見耕烟老人筆仿  
彿君山螺髻青月明幽咽湘靈瑟傳聞石穴潛通吳神  
仙窟宅誠有無包山雲物閔清都煩翁潑墨還作圖

送高兩詩南歸

懸榻故人去論文前會稀驚風還遞響征雁不同飛白  
袷寒將卷青山久念歸因君寄朋好會采舊山薇  
休嗟不得意辛苦為浮名落日古原上閒門秋草生晚

松和露摘時稼面場平一悟靜中樂深知達者情

畫蘭

三千年覩玉壺空阿母留將幾葉紅今日人間太零落  
兔葵燕麥任春風

香草爭書入楚詞漫寒沅芷扈江離握蘭每待春相問  
空谷無人自不知

簡野航

晨興入公門歸休午陰寂疎簾靜不卷高林雨餘滴解

帶北牖眠煩暑欣已滌沈憂曠無所冥念淡自適款戶  
輪鞅稀閒坊選幽僻摘芳苔暗徑構石雲生壁昨宵風  
雨中杯酒轉愁悵念我同懷者何由展良覲

立秋前一日陳六謙民部見過

焚香小院氣氤氲寂寞誰過訪子雲忽訝清光映鷺尾

又添佳句咏鷺羣

新城司寇贈  
詩有鷺羣句

林中解帶消秋暑石上

繙書愛夕曛明日西風飄一葉井梧策策似先聞

立秋日顧九恒查悔餘同集翁蘿軒寓齋分賦以

立秋二字為韻

炎氛何時休火雲巖巖立涼颼忽暗動爽氣已先入一  
春復一秋年年客京邑惟驚客鬢改催歸日夜急憂生  
情未免學道時猶及蕭條晚來雨颼颼林表集如共陰  
蟲悲恍聞孤士泣

不樂今何為四序修復周百川水東注誰能挽西流且  
持玉卮醪歡言酌朋儔茲日非昨日脫葉初知秋故心  
一以移兩腋風颼颼親知訪我至許作半日留明燈巷

南陌蹤跡真雲浮

雨中六首

一雨良復佳久雨何時霽欣厭已異心物情故多蔽卜  
居深巷僻荏苒比再歲入秋暗愁霖屋漏避無計惟餘  
窗前樹助作風雨勢紈扇委篋中秋夜行當製殘燈耿  
照壁忽感下泉逝

昔在芸閣居日高猶晏眠今來披簡牘束帶隨衆賢職  
事敢云疲塵勞遂已牽況此泥活活聽鼓行朝天偏仄

九衢中寸步成險艱既歸任偃仰得性復陶然

階除蒔衆花不待清池注娟娟洗幽竹累累生濕霧新  
英擢脩莖葱蒨孤桐樹隙地蕃草木閒心寄場圃長廊  
自周行雨點詎知數小兒誦論語琅琅自成趣陰暄何  
由開聊此慰朝暮

生不識杯鐺無緣更論酒區區身後名大笑復何有膏  
蘭徒自焚金石詎為壽神方鍊上藥欲駐顏年久寸田  
養黃芽不救白骨朽年年秋井塌望古一搔首

抱瘵雖積歲，繕性常恬如。幽居多暇日，朋好亦未疎。何  
來困拳跼，沒髀街生魚。故人數叩門，梅餘獨自繞我廬。捫  
竹愛新粉，暎窗尋故書。主人出何事，舊雨空愁予。

我友尚書郎

西齋

比屋在西鄰，每共文字游。愛踰骨肉親，

驚嗟會面稀。靈療亦浹旬，誰知巷南北。邈若江海人，公  
家出入勞私舍。升斗貧豈無世患，干臨風一愁。辛乾沒  
有時，已不負秋與春。

羅軒為李寅谷寫秋成圖賦一詩其上

負郭二頃田太倉一囊粟二者竟誰可炯炯念自蓄朝叩  
故人門高堂散蒸溥忽驚秋景滿西成紛在目依依面  
場圓暖暖見墟曲時稼久已登新酒行可漉年豐無吠  
犬歲晚休叱犢田父何所云雞黍同近局披圖還太息此  
是腹中欲王儉語穎上思薄田杜陵覲微祿悠悠秉耒意千  
載恒相屬秋風有時起歸駕何當促借君風雅筆洗此  
煩腦毒李侯金閨人雅尚拔流俗平生高遠性常恐古人  
獨田園不可期山資幾時足不如南山下種豆及時熟傍

舍生烟霏連村入雲木惟應尋二老披草往來數

送杜大宗伯歸秀水

夕夢青山朝抗章吳絲新點鬢邊霜鼎鍾勛業光前史  
魚稻心情憶故鄉秘殿從知稀履跡上台猶自辨衣香  
兩朝著舊風流在歸日先開會老堂

遺榮高節古無儔深重

君恩許賜休剩有書名滿臺閣依然傳癖在春秋

先生好左

氏傳手  
自註釋

九門祖帳來天上一曲湖光繞秀州徑欲從公輕

舸去招呼海鶴狎江鷗

過可園簡王敏行郎中

寂歷虛齋境更幽不妨無事日閒遊  
窗中密竹風驚夜檻外叢花雨打秋  
每見草書留几上時來濁酒過牆頭  
與君雞黍為鄰並暇即招尋懶便休

送令詒歸松江

去國名何減還山意有餘  
未成三畝隱且傍九峯居  
鄉物傳鱸膾門生議蠓胥  
他時小兒子看讀五車書

不信時清日長令老故園貞筠如挺拔俊鶻必騰騫物  
望歸封事

天心重直言會從闔闔裏還認舊巢痕

新月效義山體

風露晚來清如鈎新月生未嗟輪盡掩似吐鏡微明  
側黃金殿眉纖白玉京殷勤待三五莫漫悵虧盈

東西齋時入直武英殿仍用前韻

文雅今誰似蕭閒不願餘忽聞青瑣客還上玉堂居檢

校防幽靈傳鈔令小胥茂先多未見別有洞天書

每嘆松成蓋猶思杏滿園孤鳴憐鶴警

謂西亭

分路試鸞

騫職事兼書府官曹本正言西莊

謂了谿

同下直頻視日

斜痕

九月四日奉陪韓宗伯碧山堂桂花下作

淮南消息比何如喜見連叢破萼初海曲移來秋馥郁

月中分出影扶疎偶隨杖履成高會不少琴尊在廣除

聞道杼山詩句好一枝端合寄尚書

顏尚書有謝陸處士杼山寄桂花詩

桐城相國致政歸里賦呈四首

第一人須第一官乾光遙護綵雲端清標嶽立嵩衡峻  
雅量春浮潏渤寬魚水君臣前代少冰霜風節古人難  
忽思弄艇烟江去夢把樅陽舊釣竿

三十餘年禁苑來平臨紫閣領丹臺九陔天際司霖雨  
五色杓南望上台啓沃心真符

聖主陶鈞力為養羣材文章一代懸詞律

御製詩酬日幾迴

連漪太液水西東

賜第恩教近紫宮  
報國每添雙鬢雪  
浮家新借半帆風  
蕭然襤被常如客  
去矣鶯花穩付公  
三月江南芳草綠  
謝家池館畫圖中

傾都張飲接重城  
政事堂開國老行  
六萬錢

漢制丞相俸錢月六

萬從賓閣散五千卷  
壓相車輕青春作伴  
承殊渥

公以冬月

予告上特命春月行

白社投閒稱遠情  
他日頻勞中使問  
會思

金鼎再和羹

送曹峨嵋先生南歸

橋門未絕記韋編座裏春風十八年今日重持一杯酒

舊來雙鬢各蒼然

右曹甲子乙丑間在太學先生時為本堂師

不須千騎出東方一曲孤蘆幾泊桑尺五城南韋杜客

全家烟雨入吳鄉

高情真與俗情違花外紅堂客到稀江月低時沙路闊

只應愁見鵲鴿飛

浮名何止一梯輕懷挾風流萬古情夢去海棠春一國

江南燕燕與鶯鶯

頭顱弘景尚嫌遲六十狂生笑食其種豆山南亦行樂  
丹徒長憶布衣時

飛仙蹤跡定何年蟻穴蜂衙絕可憐他日茅山問丹訣  
菖蒲潭在草堂前

買宅無勞更買鄰江山風月等閒親青溪九曲題詩處  
誰省龍標此後身

春明雅會罷錫餐後約浮舟計日難好淪溪茶待桑亭

更分麴米餉雲安

移居

嘗笑酣中客甕底呼不醒又嗤法士愚規規動引經寓  
意於酒非酒人天倪和如暄景春移居何者是最樂得  
與數子成比鄰北風漂沙寒日白層冰嵯峨厚地圻坐  
思廟堂勤政理恐有咿嚶未安宅太平縱使無闕事驚  
下終慚負言責歸來閉門學雕蟲時過勤苦無成功翰  
林彩筆明光宮

嵩木  
查浦

故人長楊文薦雄

悔

餘今夕何夕歡

此飲燄燄蠟燭銅盤紅莫嫌酒苦薄莫愁尊易空年年  
舟載碧笈百洞庭春色來江東只今冬菹酸更綠恰稱  
腐儒飯脫粟晨鳧夜鯉足屠門鷺炙牛心任華屋人生  
會少別離多清漳共宅時幾何我當舉酒君當歌三更  
起立霜月苦河漢驚風吹逝波

除夕用少陵飛騰暮景斜五字為韻同悔餘查浦  
作五首

仕宦十五年日夜苦思歸思歸竟無成一笑知我非寸

祿盜太倉憫此八口饑不念獨行士窮山懷米薇世界  
良已牽初心迺多違淒鴈歲云晏倦鳥還退飛

潛虬神淵底如絲氣或騰鵬鶚望赤霄遠擊有威稜我  
今默自思進退兩無憑惟見齒髮改轉訝年歲增齒落  
不足歎髮白不必憎所苦百年內憂患還相仍拂我挂  
壁弦熱我照字燈天寒百蟲絕癡鈍餘凍蠅

往者不可追滔滔水東注來者詎幾時雖新行復故往  
來無容已古今猶旦暮茲焉共守歲歲豈為我駐一觴

汎屠蘇朋來暖寒沍歡悰甫欲集哀念潛已赴回頭十  
年中骨肉死亡屢惟餘老大身撫節增錯逆

晨雞未喔咿夜燭光猶炳四鄰喧爆竹伴我空齋冷是  
時月既晦蕩蕩無留景登樓啓窗扉殘雪在西嶺餽飮  
盤筵雜絳繚兒女靚吾衰不挂眼寂寞安晚境差喜文  
字間上下得馳騁

九陌入朝火照耀驚林鴉醉困方欲眠奈此童僕譁門  
前高車馳街鼓已五撾促起理衣裳仰看北斗斜歲華

還復春吾生亦有涯幸生

聖人世九域方一家明年返敝廬生事勤桑麻還將元  
會儀歸與野老誇

懷清堂集卷九

欽定四庫全書

懷清堂集卷十

吏部侍郎湯右曾撰

和新城先生早春三咏

花下

遊絲白日春晝餘  
亭亭脈脈花枝疎  
不妨靚好如靜女  
冶葉倡條空笑渠

春日憶樊川舊遊

南山蒼翠去天低  
鈴馱秋風記舊題

謂公奉使蜀道

今日樊川

重回首落花殘雨灞陵西

### 雪中梅花

如花雪已映似雪花  
爭發暖氣欲融春  
橫枝先卻月

### 為王敏行僉事題文貞公叢竹圖

綠沈曾記三百本  
瓊粉還憐十數竿  
少不如多君自領  
萬條寒碧畫中看

尚書高節世應無  
小筆猶留叢竹圖  
昨日翠琅玕下過

新添五色鳳凰雛

題汪悔齋太常觀海圖

天書一夕下東溟  
奎壁曾占使者星  
今日乘槎問遺事  
只應留得大荒經

神遊八極本仙才  
歎息騎鯨去不回  
弱水西流三萬里  
更從何處指蓬萊

恭祝

萬壽詩

巍巍至德仰我

皇苞毓天地符陰陽府脩事和百度章端拱上理登虞

唐九服作息安耕桑蠲租

賜復厚蓋藏膏雨時布和風翔協氣感召歲屢穰民誠  
物阜來嘉祥重譯萬里脩貢篚遠及烏弋黃支鄉昇平  
詎將咨儆忘宵衣旰食常弗遑愛民勤政冠百王高深  
聖學難測量遠紹洙泗淵源長兩儀萬象窮豪芒旁耽  
圖史羅縹緗百家諸子咸該詳天葩

睿藻日月光珠毫寶翰懸焜煌小臣簪筆螭坳旁紀神  
聖功職所當遭逢景運賡明良麒麟游囹鳳集岡朱草  
榮砌芝生房祥圖仙牒殊未央億萬寶歷歌無疆

送李總憲歸里

乞歸乍許

詔書新驚鶴飄然自在身長有清風留憲府誰從嘉石

辨冤民

公在法司核  
斷平反甚多

廿年魚水君臣契一夕林塘夢寐

親取次烟花滿吳會為公吟望五湖春

東門張飲畫成圖自昔輪經大雅扶愛士名爭歸沈范  
累朝族自重崔盧烟消驛外晨排馬月出臺端夜集烏  
它日會煩中使問肯教鄉思老蓴鱸

上孝感相公四首

遙望杓南第一星清時名德重

朝廷致

君心已超三代力學功尤在六經家沂水源江漢白人  
如嶽峙岱嵩青調元四十年來事勲業應看鼎鼐銘

烽銷王會萬方同密侍謀深倚相公憂樂每關天下計

高間真見古人風

公力請解閣  
務專頌書局

雨來滄海雲生壁日出

扶桑翠埽空不是書紉金匱裏誰知元老格天功

右曾  
充政

治典訓纂修官見公奏

對語多人所不能言者

儒宗一代富研搜學海長懸萬古流蒼籀文奇探秘簡

咸韶音古曼鳴球每從別派驅楊墨自有微言接孔周

東觀遺書南史筆早傳褒貶繼春秋

明史出  
公一手

春官桃李五成行別有門庭一瓣香曾侍康成趨石室

早因子固拜歐陽清心肯慕神仙宅碩畫長留政事堂  
七十朱顏人見否吳絲未點鬢邊霜

題查逸遠先生學圃圖三首

王氣銷青蓋高人在白衣嶺雲終不出海鶴只孤飛雨  
後紅薑熟秋來綠芋肥偶然同老圃聊息漢陰機

用意無人識於陵日灌園嘉蔬比君子香草念王孫儒  
術名元大幽居道益尊永懷耆舊傳文雅在清門

小劫過風雨披圖尚見之芝蘭叢發日裙屐共遊時白

鳳委蛇態青山偃蹇姿無由牀下拜應恨我生遲

題羅軒畫梅

小筆風流自一家草堂寒色上梅花青羊宮路千株雪  
最愛橫枝竹外斜

風流裘帶寄斯文過嶺清詩迴出羣今日烟霏豪素上  
墨花猶帶海南雲

寄淮南友人

別君每憶淮南樹客舍河壩幾風雨歸來空壁耿銀燈

誰復高歌聽金縷三年執手如夢寐終夜重思對牀語  
休從塞馬論得失肯與狙公爭喜怒君才鬱鬱蛟龍姿  
白日雷霆起烟霧時來騰達非難事紫蟹白魚且歸去  
依人暫就臯伯通乞米應思謝仁祖兒郎玉雪已可愛  
況伴維摩有天女三山地軸隱嶙峋空見清泉如潑乳  
似君磊落吾所伏爾雅蟲魚不妨注

聞陳斐公為余料理山莊竹木兼完屋舍歲晚思

歸慨然有作

病夫思負暄南榮日屢曝心閑萬想滅所苦歸不速忽

傳山中書似與清景逐山中亦何有架茅幾間屋往時

賢使君

山莊明副使  
包公所營

挂冠此卜築百年閱興廢高岸移

深谷只今推翳餘舊觀已難復但餘潺潺水屈曲繞林

麓青山爭橫從雲表峙綠玉樓中一騁望蒼翠紛滿目

我歸定何日佳處夢已熟譬如長飢人說食甘於肉平

生尊鱸興念豈有令僕二頃不願餘山資底須足

遙憶飛來孤天竺割一峯吾廬在其下面面青芙蓉昔

有古先生知此山所從藏舟在巨壑夜半無留蹤安知  
驚嶺西他日不再逢巖巒含窈窕落落風入松幽禽怪  
毛羽下寫澄潭容靈隱古招提山門烟翠重時放出林  
梵或聞亭午鐘禪誦課六時吾老性已慵但於斗室內  
虛白生心胸洞中呼老猿石門蒼蘚封時來理公巖喚  
起泓下龍山地多磽确負未謝老農桑箔飼眠蠶隙地  
十餘  
畝皆  
種桑薄綿衣可縫雜種桃李梅花時各丰茸最愛萬竿  
碧翠色無春冬真堂作記人興已如酒濃

先人有幽宮去此咫尺地經營得數椽亦為敦祀事霜  
露以時零松拍手勤植龐公歲上豕斑白偕童稚壺觴  
逮餽餘屢舞蹺蹺醉茲堂聚同姓歡會連信次聽泉過  
野亭飯僧入山寺昔者先大夫丙舍接埏隧劫灰三紀  
餘古木沈寒吹攀號再念此竊祿偶然遂承家有遺書  
鑿楹付來嗣中間一木石未可輕棄置法公釋門舊  
長老數遺侍  
者鋤理荒廢飛錫再三至鉢底咒老龍時時出護視柴  
荆具茗飲後約或不愧惟當治尺宅勿使風雨華

低頭拜東野退之昔曾云常恨不相從所願身為雲雲  
龍相追逐我竊舉似君憶托臭味初氣挹秋蘭芬蕭然  
出埃壘學道亦已勤手披楞伽字口誦貝多文自從墮  
地來寧識羶與葷周妻未為累大布自裹羣白哲好兒  
郎秀穎漸有聞吾家老禪伯

家兄  
廣佳

脫巾謝俗氛時時從

子遊初地收放紛念昔三人居亦足聞其羣秋吟山月  
皎春蹋陌草薰少壯能幾時白髮不可耘我衰又多病  
如何離鄉枌並隣墟曲中雖貧心所欣寸田養黃芽不

救野火焚期君得靈藥庶共刀圭分

寄題梅東敝居

梅東橋接白洋橋楊柳須栽幾萬條  
好與遮留春色住老夫暮暮復朝朝

癸未除夕前四日書蕉飲使滇集後四絕句

應復南中見綵雲知君筆落動星文  
五花山寺昆明路誰共題襟馬上分

海雨山風手自攜不從二爨覓珠犀  
益州使者空持節

但拜南厓縹碧雞

山採青銅井煮鹽西南幕府利權兼一時詩卷都將去

集中做長慶體三首言漁事甚悉 翻笑先生太不廉

仙人柱下兩芒屨舊夢憑君喚却回天末故人零落盡

予去夜郎八年箇中丞以下強半物故 白頭無分得重來

題載書圖恭送漁洋先生請假歸新城

四紀列彤闈致君堯舜如大儒經世務所得古人書職  
審典機衡心清抱沖虛一念滄海曲遙情賦歸與顧思

明主恩欲言復躊躇但中邱壘請未及齒髮疎

至尊眷老臣溫語聞直廬尚書天喉舌公行不再除  
賜休沐閑五月田園居渚鴻任翔集山雲從卷舒張飲  
東都門何如昔二疏僕夫秣征馬門生扶藍輿塵軫三  
萬軸過此不顧餘清風誰當傳圖繪禹鴻臚風神照魚  
鳥情話樂里閭黃花九秋節采采盈衣裾丹雀銜書來  
翩翻下林墟公其出為國未可云遂初

喜雪

預恐來年旱三冬雪片稀如花猶未集似絮已紛飛喜極因呼酒寒添更著衣竹間聞浙漚凍雀亦知歸

正月六日喜得雪時尚未立春猶臘尾也

六花侵夜忽分飄宿麥初霑一寸苗已信遺蝗應入地尚嫌積雪未封條紅樓日上融仍濕紫陌塵飛暖易消聖主郊壇正祈穀喜逢上瑞應今朝

扈從

大駕南巡閱河舟行至河西務同張侍郎劬齋陳副憲

實齋用風字

帝為勤民出時和應協風人如星拱北

恩共水流東列艦勾陳轉乘槎河漢通桃花春漲濶更  
試濬川功

恭讀

御製黃舩記

乘流每羨龍驤遠引纜爭傳鷁首輕大知獨先周萬物  
至仁實欲濟羣生雕文績綵曾無取巨浪衝風了不驚

捧出

奎章齊照耀始知精意寓川衡

恭讀

御製擬田家春日詩

勸耕頻歲

主恩加東陌西阡望

翠華正以春和乘月令每紫

睿思是田家隴餘佳麥知民樂村遠垂楊隔市譁彷彿

幽風歌稼穡太平有象發

天葩

恭讀

御製乙酉仲春南巡船窗偶作調寄柳梢青詞

氤氲淑氣散千畦鳳舸徐行轉大堤六合同春知

帝力八風從律自

天題祥烟時傍牙樯繞瑞羽常隨桂權低最是讀書勤

乙夜每忘月落御窗西

扈從

大駕南巡閱河

安瀾方慶奏功新善後尤煩

睿慮頻萬世利應留澤國十行

詔已下波臣星占共指連牛斗槎泛還如上漢津自愧

河清非頌手空隨

仙蹕紀南巡

恭覲

上親校射

遙傳校射建金麾  
七萃分行盡虎羆  
已息烽烟全盛日  
未忘弧矢太平時  
廣場地接風雲氣  
曲岸

天臨日月姿的暈三穿

神藝少萬人驚  
歎見真奇

崇光寺樓懷吳允哲

十七年前我到時  
老僧猶指舊松枝  
依然竦竦竹侵逕  
不改潺潺水入池  
桃李穠華收昨夢  
風埃蓬勃入新詩

一杯茗葉山樓上幾度思君與共持

附北信後作一絕句

故鄉誰道似天涯旅思茫茫未有家轉憶王城三月尾  
兩株如雪壓欄花

雨中遊攝山棲霞寺

偶與靈境契得隨縉侶尋沿洄一溪水出入萬松林寺  
憶齊梁古品從紫翠深欣然稅塵鞅猶是在山心

便踏飛梯去烟蘿絕磴懸清香度千佛微雨散諸天親

洗澗邊木還烹池上泉

白乳泉也

攝生期此地未敢望仙緣

題河上集後八首呈澤州相公

雲際搖溶春漲遲  
浮查日月傍天池  
長虹貫月滄江夜  
想見龍蛇繞筆時

海山空濶杳聞琴  
巖指推移不可尋  
公在崑崙最高頂  
八風嶰谷有遺音

龍旂羽蓋楚江邊  
萬姓歌聲沸管絃  
憑仗丹青元化手  
寫將秀句滿吳天

一曲青溪一首詩桃花苑外獨吟時  
風流宰相承平日  
卻笑檀橋只賭碁

行隨漁唱與樵風逸興巖扉窈窕中  
亦有青山好風日

無由騎馬待山公

右曾有小墅在飛來峯左公被詔旨遊靈隱日右曾先在而不知也

誰將逸轡繼咸韶舊隱連洋已寂寥

河中吳天章五言高絕時類公作

清泚王官谷中水空餘飛瀑灑中條

褒從一字借春秋小泊寒花古戍樓

公在滄州孰河詠驛有見懷詩

罷虛舟意超越潮迴滄海已東流

百年奎壁河東地萬古詩情一鑰多回首太行千尺雪  
山川人物兩嵬我

濟州北麥大熟呈京江澤州兩相公

黃雲覆野麥登場喜覺連村餅餌香幾郡流移歸北闕  
兩年冠蓋滿東方

至尊肝食憂民切元老訏謨體國長稷契功名韓杜筆  
應添樂歲好篇章

李映碧先生祠

掘衣猶得薦溪蘋異代清風俎豆新直筆空聞傳舊史

先生有南北史合注  
與今本小有同異

角巾每自號遺民丹臺淚灑危言

日滄海名高勇退人長傍逋翁舊林麓待穿雪柏貫霜筠

七月三日病起至樓上

頗覺登臨嬾秋來卧病初閑聽林外雨困撥手中書抄  
飯疎鐘後焚香倚枕餘喧卑無地免只合此樓居

習靜欣隣接蕭蕭祇樹林每聞清夜梵時感入山心白

日哀端瀉清霜冷葉禁那堪衰謝意斷續與年深  
過雨果新熟交風豆亦肥心常愛林木戶恰對烟霏一  
夕居多暇三年到恨稀自今勤汎埽高處置書帷

次新城先生韻送陳六謙郎中出守石阡

竹歌西下楚天長白納烏蠻又一鄉他日欲尋人物志  
風流應記舊曹郎

離尊猶憶繞前除

謂丙子秋典  
試入黔時

萬里征軺逐貢書誰料

十年還此別西風渺渺獨愁予

遙看按節下且蘭荒徼崎嶇為一官叱馭尚留心事在  
握蛇騎虎不艱難

山城斗絕望迢迢不噉檳榔食已消莫怪瘴雲低地黑  
五溪風土接三苗

龍底江濱古石田此行未用恨飛鳶侍中會要揮毫手  
待賜黃金附耳蟬

題王于謝小照

少年白晢何事來下烟波釣筒一掩一重山碧春來春

去化紅

綺堂先生請假南還用東坡送仲元貺王元直韻

作五詩奉送并索和章時癸未十一月朔後四

日

浮盃激灩欲別執手殷勤有言試問一枝棲託何如萬  
里飛騫

扁舟東下吳會獨夜一蓬雪來嘔啞柔艣人靜歎乃漁  
歌夢回

何異登仙此行非闕久厭承明慈母手中綵線佳兒膝  
下書聲

杜鵑勸我歸去已是遲君一年它日追思前會九門風  
雪依然

行投林下征鞍寄謝山中故人看花踏月沽酒莫負湖  
邊好春

懷清堂集卷十